

## Projekat razvoja tržišne poljoprivrede II (FARMA II)

Program pomoći američkog i švedskog naroda

### Zahtjev za ponudu: Organizacija studijskih posjeta u Sloveniji

Projekat USAID/Sweden FARMA II je usmjeren na razvoj poljoprivredno-prehrambenog sektora u BiH i pruža podršku u sektorima mljekarstva, peradarstva, voća i povrća, ljekovitog i aromatičnog bilja i pčelarstva. Projekat pruža tehničku i finansijsku pomoć organizacijama iz privatnog sektora, te saraduje sa javnim sektorom u cilju ostvarivanja potrebnih regulatornih promjena koje ograničavaju razvoj poljoprivrede.

Od potencijalnih davaoca usluga vezanih za organizaciju studijskih posjeta u Sloveniji (za proizvođače iz sektora mljekarstva i peradarstva) očekujemo da daju ponudu na osnovu sljedećih parametara:

#### 1. Studijska posjeta verzija 1

Edukacije farmera iz oblasti proizvodnja sirovog mlijeka: ishrana muznih krava, smještaj i dobrobit životinja u skladu sa EU standardima, proizvodnja voluminozne stočne hrane, ekološki standardi u proizvodnji mlijeka, principi nitratne direktive. Tokom studijske posjete organizovati posjete na minimalno 4 farme za proizvodnju sirovog mlijeka kako bi se stekla praktična znanja. Ukupno trajanje studijskog putovanja je: 3 dana (2 noćenja).

#### 2. Studijska posjeta verzija 2

Edukacije iz oblasti prerade mlijeka (proizvodnja sira): tehnologija proizvodnje sira, higijenski standardi u proizvodnji sira u skladu sa EU praksama, brendiranje i pakovanje sira. Tokom studijske posjete organizovati posjete kod minimalno 4 male sirane kako bi se stekla praktična znanja. Ukupno trajanje studijskog putovanja je: 3 dana (2 noćenja).

#### 3. Studijska posjeta verzija 3

Edukacije iz oblasti prerade mlijeka (proizvodnja sira): tehnologija proizvodnje sira, higijenski standardi u proizvodnji sira u skladu sa EU praksama, brendiranje i pakovanje sira. Tokom studijske posjete organizovati posjete na minimalno 2 male sirane kako bi se stekla praktična znanja. Ukupno trajanje studijskog putovanja je 1 dan (bez noćenja).

#### 4. Studijska posjeta verzija 4

Studijska posjeta sajmu poljoprivrede AGRA, Gornja Radgona. Tokom studijske posjete obezbijediti edukaciju farmera iz oblasti smještaja i dobrobiti životinja u skladu sa EU standardima i zbrinjavanje otpada u skladu sa nitratnom direktivom. Edukacija je za kombinovanu grupu predstavnika iz sektora mljekarstva i peradarstva. Posjete organizovati na minimalno 2 farme (po 1 farma za mljekarski i peradarski sektor). Ukupno trajanje studijskog putovanja je planirano na 3 dana (2 noćenja).

Broj učesnika za studijska putovanja 1, 2 i 4 je 20-25 učesnika. Za studijsko putovanje verzija 3 (jednodnevno putovanje za proizvođače sira) očekivani broj učesnika je 10-12.

**Ponuda treba da sadrži:**

- Ukupne troškove organizacije za svaku od planiranih studijskih posjeta po detaljima navedenim gore;
- Okvirni programa posjeta za organizaciju svakog studijskog putovanja, kao i biografije ključnih predavača koji će biti uključeni u edukacije i organizacije posjeta farmama, siranama i sajmovima.

**Ponuda ne treba da uključuje troškove** ulaznica na sajam, prevoza, hotelskog smještaja i ishrane tokom studijskog putovanja.

USAID/Sweden FARMA II očekuje do kraja 2018. godine da organizuje 2 studijske posjete za farmere, po 1 studijsku posjetu za proizvođače sira (jednodnevna + trodnevna), te 1 posjetu sajmu AGRA uz edukativni program. Broj posjeta se može promijeniti.

Ponudu dostaviti **najkasnije do 7. juna 2018. godine** na engleskom ili jednom od jezika BiH. Poziv je namjenjen za organizacije/kompanije (ne za individualna lica). Uz ponudu dostaviti kratki opis ponuđača sa navedenim iskustvom u organizaciji i pružanju usluga edukacije iz traženih tema u posljednjih 5 godina te referenc listu klijenata. Valuta za ponudu je EUR i treba da uključuje sve troškove (PDV ukoliko je primjenjiv).